

REGLUGERÐ

um (1.) breytingu a reglugerð um menntun, réttindi og skyldur tannlækna og skilyrði til að hljóta starfsleyfi og sérfræðileyfi nr. 1121/2012.

1. gr.

Í stað 6. gr. reglugerðarinnar koma þrjár nýjar greinar, 6. gr., 6. gr. a og 6. gr. b, ásamt fyrirsögnum, svohljóðandi:

a. (6. gr.)

Almenn skilyrði fyrir sérfræðileyfi.

Sérfræðileyfi má veita í samfélagstannlækningum, að uppfylltum skilyrðum í 6. gr. a, og í klínískum sérgreinum innan tannlækninga, að uppfylltum skilyrðum í 6. gr. b. Skilyrt er að sérfræðináms umsækjanda sé skilgreint innan þeirrar sérgreinar eða þess sérsviðs sem umsókn hans um sérfræðileyfi tekur til. Viðkomandi sérsvið skal standa á traustum fræðilegum grunni og eiga sér samsvörun á viðurkenndum alþjóðlegum vettvangi.

Einnig má staðfesta sérfræðileyfi frá ríki innan Evrópska efnahagssvæðisins (EES) og Sviss eða gefa út sérfræðileyfi á grundvelli menntunar frá fyrrgreindum ríkjum. Um viðurkenningu á faglegri menntun og hæfi sérmenntaðs tannlæknis sem uppfyllir skilyrði tilskipunar 2005/36/EB, um viðurkenningu á faglegri menntun og hæfi, með síðari breytingum, fer samkvæmt reglugerð um viðurkenningu á faglegri menntun og hæfi heilbrigðisstarfsmanna frá öðrum EES-ríkjum, nr. 461/2011, eða samkvæmt Norðurlandasamningi um sameiginlegan norrænan vinnumarkað fyrir ákveðnar heilbrigðisstéttir og dýralækna, nr. 36/1993, sbr. breytingu nr. 6/2001.

Þá er heimilt að veita sérfræðileyfi þeim sem lokið hafa sambærilegu prófi frá menntastofnun í ríki utan EES eða Sviss sem viðurkennd er sem slík af heilbrigðisyfirvöldum hér á landi og heilbrigðisyfirvöldum þess ríkis þar sem námið var stundað.

Um frekari skilyrði fyrir veitingu sérfræðileyfis fer skv. 6. gr. a, 6. gr. b og 13. gr.

b. (6. gr. a)

Skilyrði fyrir sérfræðileyfi í samfélagstannlækningum.

Til að tannlæknir geti átt rétt á að hljóta sérfræðileyfi í samfélagstannlækningum skv. 5. gr. skal hann uppfylla allar eftirtaldar kröfur:

- a. hafa starfsleyfi sem tannlæknir hér á landi skv. 2. gr.,
- b. hafa lokið skilgreindu meistara- eða doktorsnámi í samfélagstannlækningum við háskóla eða sambærilegu námi og uppfyllt þær kröfur sem gerðar eru við viðkomandi háskóla sem viðurkenndur er af heilbrigðisyfirvöldum hér á landi og heilbrigðisyfirvöldum þess ríkis þar sem námið var stundað og
- c. leggja fram tvær fræðigreinar sem birst hafa í viðurkenndu sérfræðitímari.

c. (6. gr. b)

Skilyrði fyrir sérfræðileyfi í klínískum sérgreinum.

Með klínískum sérgreinum í tannlækningum er átt við svið þar sem störf fela í sér bein samskipti við sjúklinga svo og forvarnir, greiningu og meðferð.

Til að tannlæknir geti átt rétt á að hljóta sérfræðileyfi í klínískum sérgreinum innan tannlækninga skv. 5. gr. skal hann uppfylla allar eftirtaldar kröfur:

- a. hafa starfsleyfi sem tannlæknir hér á landi skv. 2. gr.,
- b. hafa lokið skilgreindu sérfræðinámi við háskóla, þ.e. fræðilegu og verklegu námi sem skal eigi vera skemmra en þrjú ár, og uppfyllt þær kröfur sem gerðar eru við viðkomandi háskóla sem viðurkenndur er af heilbrigðisyfirvöldum hér á landi og heilbrigðisyfirvöldum þess ríkis þar sem námið var stundað og
- c. leggja fram ritgerð um efni er snertir sérgrein hans og skal hún sýna þekkingu á vísindalegri aðferðafræði og getu til að nýta sér fræðirit.

Umsækjanda um sérfræðileyfi í klínískri sérgrein ber að leggja fram sex sjúkraskrár vegna tilfella sem hann hefur sjálfur unnið er sýni sem fjölbreyttasta þekkingu á lausn klínískra vandamála. Sjúkraskrár skulu studdar öllum þeim gögnum sem nauðsynleg eru við mat, greiningu og meðferð viðkomandi vandamála eða sjúkdóms.

2. gr.

Reglugerð þessi, sem sett er með stoð í 5., 8., 30. og 31. gr. laga um heilbrigðisstarfsmenn, nr. 34/2012, öðlast þegar gildi.

Heilbrigðisráðuneytinu xx. mán. 2019.

Svandís Svavarsdóttir
heilbrigðisráðherra.

Asta Valdimarsdóttir.
